



BERITA WILAYAH

Laman Utama | Berita Utara | Berita Selatan | Berita Timur | Berita Tengah | Sabah & Sarawak | English Version | BERNAMA.COM

BERITA Timur

Yayasan Petronas bantu ubah pendapatan keluarga miskin

Tarikh kemaskini: 06/04/2019

KUALA NERUS, 6 April (Bernama) -- Pendapatan isi rumah 100 keluarga miskin di Terengganu berjaya ditingkatkan susulan penglibatan mereka dalam program Sentuhan Harapan 'Planting Tomorrow' anjuran Yayasan Petronas.

Pemangku Ketua Pegawai Eksekutif Yayasan Petronas, Lita Osman berkata program yang telah bermula sejak enam bulan lalu itu menekankan latihan berterusan, merangkumi aspek kemahiran pengurusan kewangan, pemasaran produk, imej dan penampilan diri.

"Setiap peserta program keusahawanaan ini juga menerima bantuan makanan asas bulanan bernilai RM80 selama setahun melalui sistem pembayaran tanpa tunai Yayasan MyKasih. Program keusahawanaan ini turut membantu menambah pendapatan isi rumah golongan B40 dan ekonomi masyarakat setempat.

"Sejak ia dimulakan pada tahun 2018, sokongan dan sumbangan kami yang merangkumi program pembangunan keupayaan dan sumbangan keperluan asas berjaya meningkatkan taraf sosio golongan sasar," katanya dalam satu kenyataan hari ini.

Petronas telah menyumbang sebanyak RM7 juta melalui program Planting Tomorrow yang telah dijalankan di beberapa negeri.

Di Terengganu, seramai 400 keluarga telah mengikuti program ini sejak ia dimulakan setahun lalu.

-- BERNAMA

MENARIK

- RM316.9 juta untuk jalan luar bandar Sabah
- Pulau Pinang disambung 5G menjelang 2021
- Polis ambil tindakan terhadap warga Singapura yang liat bayar saman trafik
- Kebakaran: Polis buka kertas siasatan siasat kes kematian tiga sekeluarga

